

MIHUMESO YA POTOMBIRHI YA SWESWINYANA

Tshwane, 19 Hukuri 2024 - Vukorhokeri bya Xibalo bya Afrika-Dzonga (SARS) byi tsakela ku engetelela leswintshwa eka tinomboro hinkwato ta swileriso swa xibalo leswi amukeriweke mayelana na mihumeso eka Mbuuyelo wa Humeso wa Nhlayiso ehansi ka sisitemepotombirhi. Ku sukela yi simekiwile, SARS yi xiyaxiyile engetelo lowu nga languteriwangiki no tshamiseka eka swikombelo swa swileriso swa xibalo, leswi kombisaka mitlhontlho ya swa ikhonomi leyi mindyangu yi hlanganaka na yona.

Ku sekela hi ti 18 Hukuri 2024, swikombelo swa swileriso swa 2,153,942 swi amukeriwile naswona nhlayo ya 1,914, 308 ya swileriso swi humesiwile na nkoka hinkwawo endzhaku ka misuso wa R35 052 572 876.62.

Ku hambana exikarhi ka swikombelo swa swileriso na swileriso leswi humesiweke ka tihlamuleriwa eka swona eka maendlelo lama landzelaka:

- Swikombelo swa 169 509 swi ariwile hikwalaho ka swivangelo swo hlaya, leswi sukelaka eka ntsandzeko wa tisisiteme ku suka eka tienthithi ta vulawuri bya mikwama ku ya eka tinomboro ta vutitivisi to hoxeka, tinomboro ta xibalo to hoxeka, na swo tala.
- 41 523 wa swileriso swi ariwile hikokwalaho ka timali to xota, tikhodi to hoxeka na swo tala.
- 28 525 wa swileriso swi suriwile hi vahakelaxibalo lava cinceke miehleketo ya vona.

Hi ku fambisana na xikongomelo xa SARS eka vahakelaxibalo ku tirhisa tichanele ta dijitali, SARS yi tsakile ku tivisa leswaku khalikhuleyitara leyi encenyetiweke ya WhatsApp yi tirhisiwile mikarhi ya 53,693 ku sukela ku simekiwe phurosese. Khalikhuleyitara leyi encenyetiweke eka webusayiti ya SARS, leyi vumbaka xiphemu xa *SARS Online Query System*, yi tirhisiwile mikarhi ya 850 375. SARS yi tlhele yi amukela 102,839 wa swivutiso hi ku tirhisa chanele ya rito, na 17 627 emarhavini. Chanele ya USSD yi amukerile 66 048 yo engetelela.

SARS yi tshama yi tiyiketerile hi ku ya hi milawu na nsinya wa maendlelo leswi kombisiweke eka swikongomelotsongo swa hina swa qhinga, leswi ku nga ku nyika ntiyisiso eka timhaka ta vona ta xibalo no endla swi olova no rhelela eka vona ku landzelerisa. Eka xiyimo lexi, vahakelaxibalo va hlohloteriwa ku ya emahlweni va tirhisa tichanele ta dijitali, leti olovaka, to vevuka no tirhiseka. Ku tirhisa tichanele leti swi vula leswaku vahakelaxibalo a va fanelangi ku suka emakaya ya vona kumbe tindhawu ta ntholo ku yima tilayeni ta nkaxindzhuti.

Ntirhiso lowu fikeleriweke ku fikela sweswi hi SARS wu le ka mpimo lowukulu hikokwalaho ka ntirhisano wa kahle na tienthithi ta vufambisi bya mikwama ya rhithayamente. SARS yi tsakela ku khensa tienthithi leti tlangaka xiave xa nkoka eka mbangu wa xibalo eka vuphurofexinali bya vona lebyi pfumeleleke SARS ku tlanga xiphemu xa yona eku humeseni kahle na hi xihatla swileriso swa xibalo leswi lavekaka.

Khomixinara Edward Kieswetter u lemukisile vahakelaxibalo ku papalata swiendlo swihi na swihi leswi nga hoxaka xandla eka vugevenga no tiyisisa nkoka wo tirhisa vutitivisi bya tinomboro ta xibalo leswi lulameke loko va endla xikombelo xa mbuyelo lowu. SARS yi hlohlotella vulangelanawu hi ntsakelo naswona, eka xiyimo lexi, i nyika mihlawulo yo hambanahambana ya vuhlanganisi eka webusayiti ya SARS ku fikelela xikongomelotsongo lexi.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.